

PRAVILA NAGRADNE IGRE „Nagrade za zajedničke trenutke!“

1. Organizator nagradne igre

Organizator nagradne igre je Molson Coors BH d.o.o., sa sjedištem u ulici Braće Podgornika 4/E, Banja Luka, JIB: 4403383490008 (u daljem tekstu Organizator), a u skladu sa odredbama Zakona o igrama na sreću FBiH (Sl.novine F/BIH, br. 48/15 i 60/15) te odredbama Pravilnika o sadržaju pravila, uslovima i načinu priređivanja nagradnih igara FBiH.

2. Vrijeme trajanja nagradne igre

Nagradna igra započinje 01.08.2026. godine u 00:00h i traje do 30.09.2026. godine 23:59h.

3. Uslovi za učestvovanje u nagradnoj igri

Pravo učešća u nagradnoj igri imaju sva punoljetna fizička lica s prebivalištem na teritoriji Bosne i Hercegovine.

U nagradnoj igri ne mogu učestvovati zaposleni u Molson Coors BH d.o.o i SMS Vision d.o.o. te članovi njihove uže porodice (roditelji, supružnik, djeca, sestre i braća) i druge osobe koje su na bilo koji način direktno uključene u organizaciju nagradne igre.

Svaki učesnik u nagradnoj igri može učestvovati samo pod svojim imenom i prezimenom te učestvovanjem u nagradnoj igri potvrđuje da su svi navedeni lični podaci isključivo njegovi lični podaci te da se slaže s ovim Pravilima i uslovima nagradne igre.

Ako kupac u navedenom periodu u bilo kojem prodajnom mjestu na području Federacije Bosne i Hercegovine ostvari kupovinu bilo koja dva pakovanja/proizvoda iz porodice Staropramen piva, može učestvovati u nagradnoj igri u skladu sa pravilima nagradne igre. Svaka osoba može učestvovati sa više računa. Svaki pojedini račun može biti iskorišten odnosno prijavljen za ovu nagradnu igru samo jednom.

4. Mjesto izvođenja nagradne igre

Nagradna igra se priređuje na teritoriji Federacije Bosne i Hercegovine, u svim prodajnim mjestima (maloprodajne trgovine i ugostiteljski objekti) u Federaciji Bosne i Hercegovine koja prodaju Staropramen pivo.

5. Svrha nagradne igre

Nagradna igra se organizira u cilju promocije Staropramen piva.

6. Proizvodi/pakovanja koja učestvuju u nagradnoj igri su:

- Staropramen pivo 0,33L, nepovratna staklena boca
- Staropramen pivo 0,33L, povratna staklena boca
- Staropramen pivo 0,5L, povratna staklena boca
- Staropramen pivo limenka od 0,5L
- Staropramen pivo limenka 4 x 0,5L (multipakovanje)
- Staropramen 0,0 pivo 0,33L, nepovratna staklena boca
- Staropramen 0,0 pivo limenka od 0,5L
- Staropramen Dark pivo limenka od 0,5L
- Staropramen točeno 0,33L, 0,5L – proizvodi iz asortimana ugostiteljskih objekata.

Kupovinom na jednom računu bilo koja dva proizvoda iz porodice Staropramen piva navedenih u ovom članku, u svim prodajnim mjestima u Federaciji Bosne i Hercegovine, kupac stiče pravo učestvovanja u nagradnoj igri.

7. Nagradni fond i vrijednost nagrada

Ukupna vrijednost nagradnog fonda je 11.290,07 BAM sa PDV-om i sastoji se od:

- a) 1x Kombinovani roštilj Jamestown Drake u vrijednosti od po 1.299,99 BAM
- b) 1x Roštilj Webber Q1400 u vrijednosti od po 956,42 BAM
- c) 3x Roštilj Hofats MOON 45 u pojedinačnoj vrijednosti od po 727,69 BAM, ukupno 2.183,07 BAM
- d) 3x Rashladna kutija Yeti Roadie 60 u pojedinačnoj vrijednosti od po 756,91 BAM, ukupno 2.270,73 BAM
- e) 6x Set kovanih noževa Messermeister Avanta u pojedinačnoj vrijednosti od po 212,81 ukupno 1.276,86 BAM
- f) 60x Staropramen poklon paket u sastavu Staropramen pivo 24x0,5l + Pribor za roštilj + Staropramen kecelja u pojedinačnoj vrijednosti od po 55,05 BAM, ukupno 3.303,00 BAM

Učesnici u nagradnoj igri nemaju pravo od Molson Coors BH d.o.o. ili ostalih preduzeća koje učestvuju u organizaciji nagradne igre zahtijevati drugačije nagrade ili nagrade u većim količinama od onih koje su navedene u ovim Pravilima. Nagrade se ne mogu zamijeniti za novac. Učestvujući u nagradnoj igri, svi učesnici prihvataju uslove navedene u ovim Pravilima.

8. Mehanizam nagradne igre

Mehanizam nagradne igre je sljedeći:

Kupovinom bilo koja dva proizvoda/pakovanja iz porodice Staropramen navedenih u članku 6. ovih Pravila, u bilo kojem prodajnom mjestu u Federaciji BiH, kupac stiče pravo učestvovanja u nagradnoj igri.

Kupac može učestvovati u nagradnoj igri na dva načina, ali uvijek s novim brojem računa, putem SMS-a ili prijavom preko WEB2SMS platforme.

Za svaku kupovinu navedenih proizvoda/pakovanja, kupac šalje tekstualnu SMS poruku sadržaja: Broj fiskalnog računa(razmak)ime i prezime(razmak)grad kupca na broj 091 212 409. Primjer: 12345 Ivan Ivanović Sarajevo
Broj fiskalnog računa se nalazi na odštampanom računu i ima oznaku BF.

Cijena jedne SMS poruke iznosi 0,20 KM (PDV nije uključen u cijenu) i naplaćuje se od krajnjeg korisnika. Tokom trajanja nagradne igre cijena SMS poruke se neće mijenjati.

Drugi način prijave je putem WEB2SMS na stranici www.staropramennagradjuje.ba, gdje prilikom sačinjavanja prijave, treba popuniti neophodne podatke.

Cijena jedne WEB2SMS poruke iznosi 0,06 KM (unutar mreže) i 0,11 KM (izvan mreže) i naplaćuje se od Organizatora. Učešće putem SMS-a i putem WEB2SMS platforme kreiraju jedinstvenu bazu korisnika i direktno su povezane.

Dužina SMS poruke ograničena je na 160, odnosno 70 znakova u slučaju korištenja posebnih znakova kao što su slova č, ć, ž, đ. Poruka čija dužina prelazi navedena ograničenja, prelazi u drugu poruku te će kao takva i biti naplaćena od strane mobilnog operatera. Zbog navedenoga, preporuka je ne koristiti posebne znakove u tekstu SMS poruke.

Nakon slanja SMS poruke sa svim potrebnim podacima, kupac će primiti SMS poruku sa potvrdom o uspješnom učešću i svoj jedinstveni sigurnosni SMS kod.

Sigurnosni SMS kod sadrži 5 jedinstvenih alfanumerika i služi kao dodatni sigurnosni elemenat i vezan je za broj računa i broj telefona učesnika.

Ukoliko korisnik pošalje SMS neispravnog sadržaja, u povratnom SMS-u će dobiti kratko uputstvo o pravilnom učešću.

Ukoliko korisnik pošalje SMS sa brojem računa koji je već registrovan, dobiti će obavještenje da je račun već iskorišten.

Nakon prijave putem WEB2SMS sistema sa svim potrebnim ispravno upisanim podacima, učesnik će dobiti SMS sa potvrdom o učešću i svoj jedinstveni sigurnosni SMS kod.

Svi zaprimljeni i uspješno obrađeni zahtjevi su dio jedinstvene SMS baze iz koje će se izvlačiti dobitnici.

Kako bi učestvovanje u nagradnoj igri bilo validno, kupac je dužan sačuvati original računa do nagradnog izvlačenja kao potvrdu kupovine proizvoda Staropramen iz porodice Staropramen piva u bilo kojem pakovanju navedenog u članu 6. ovih Pravila.

Organizator ne preuzima odgovornost za neispravne podatke.

U slučaju jednokratne kupovine bilo koja 2 pakovanja/proizvoda koja učestvuju u nagradnoj igri kupac može poslati samo jednu tekstualnu SMS poruku za učestvovanje u nagradnoj igri ili se može samo jednom prijaviti putem WEB2SMS sistema uz napomenu da ukoliko kupac učestvuje u nagradnoj igri putem slanja SMS-a poruka, tada kupac ne može s istim računom učestvovati i putem WEB2SMS sistema.

Svaki od učesnika nagradne igre ima pravo učestvovati s neograničenim brojem poslanih SMS poruka i/ili prijava putem WEB2SMS ali svaki put sa novim brojem računa. Ako isti broj računa bude ponovno poslan s istog ili nekog drugog broja telefona i/ili ukoliko bude prijavljen više od jednog puta putem WEB2SMS ta će prijava biti proglašena nevažećom.

Jedan učesnik može osvojiti jednu nagradu.

9. Način izvlačenja dobitnika

Iz baze svih pristiglih SMS poruka i prijava putem WEB2SMS modula na stranici www.staropramennagradjuje.ba metodom slučajnog odabira, biće izvučeni dobitnici koji su učestvovali do 30.09.2026. do 23:59, odnosno do kraja nagradne aktivnosti.

Pobjednici će biti obaviješteni putem SMS-a. Izvlače se sljedeće nagrade:

- 1x Kombinovani roštilj Jamestown Drake
- 1x Roštilj Webber Q1400
- 3x Roštilj Hofats MOON 45
- 3x Rashladna kutija Yeti Roadie 60
- 6x Set kovanih noževa Messermeister Avanta
- 60x Poklon paket (paket Staropramen piva, pribor za roštilj, Staropramen kećelja)

Izvlačenje će se vršiti 01.10.2026. godine u 12h, u prostorijama provajdera SMS Vision doo koji obavlja tehničku podršku. Izvlačenje se vrši pomoću specijalno namijenjenog softvera principom slučajnog odabira od svih pristiglih ispravnih prijava putem SMS i WEB2SMS kanala. Softver će izvući 2 rezervna dobitnika za svaku kategoriju, koji se smatra dobitnikom u slučaju da prvobitno izvučeni dobitnik ne ispunjava uslove (npr. dobitnik izjavi da je izgubio fiskalni račun) ili u slučaju da prvobitnog dobitnika nije moguće obavijestiti o osvajanju nagrade u roku od 3 dana, jer je naveo nepostojeću ili pogrešnu adresu ili kontakt telefon.

Svi dobitni brojevi računa koji su izvučeni (koji su prošli verifikaciju i kontrolu ispravnosti), se automatski poništavaju i ne učestvuju u daljem izvlačenju.

Izvlačenje će nadgledati tročlana komisija, uposlenici Organizatora, te o izvlačenju uredno voditi Zapisnik koji će obavezno sadržavati:

- a) mjesto, vrijeme i način izvlačenja dobitnika,
- b) broj i datum Rješenja Federalnog ministarstva finansija,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika
- f) naziv i vrijednost nagrade pojedinog dobitnika.

10. Objava dobitnika

Rezultati izvlačenja, odnosno dobitnici svih podijeljenih nagrada biće objavljeni na web stranici www.staropramennagradjuje.ba najkasnije petnaest dana od dana izvlačenja dobitnika nagrada.

11. Utvrđivanje broja računa

Nagrade će biti uručene nakon ispitivanja istovjetnosti izvučenog dobitnog broja računa s brojem originala računa koji su učesnici, odnosno dobitnici dužni sačuvati do dana preuzimanja nagrade. Krivotvoreni brojevi računa ili brojevi računa s neovlaštenim promjenama biće smatrani nevažećima.

12. Isporučka i preuzimanje nagrada

Priredivač je obavezan obavijestiti dobitnika o osvojenoj nagradi u roku od tri dana od dana izvlačenja dobitnika nagrada telefonskim putem. Nakon obavještenja, izvučeni dobitnik je dužan fotografiju ili sken originala računa dostaviti korisničkoj podršci, putem mail adrese korisnicka.podrska@smsvision.ba ili putem VIBER poruke na broj telefona 066 020 020, u roku od 3 dana od dana obavještenja, radi provjere ispravnosti računa odnosno utvrđivanja da li račun ispunjava sve uslove propisane Pravilma nagradne igre.

Nagrade će biti poslate na kućne adrese dobitnika nekom od poštanskih/kurirskih službi najkasnije 30 dana od dana potvrde ispravnosti računa. Organizator ne snosi odgovornost u slučaju da kurirska služba ne može da stupi u kontakt sa bilo kojim od dobitnika. Ako dobitnik u gore navedenom roku ne preuzme osvojenu nagradu, gubi pravo na

nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

Pri preuzimanju nagrada, dobitnici će potpisati posebne potvrde o prijemu nagrada čime prestaju sve dalje obaveze Molson Coors BH d.o.o. ili ostalih preduzeća koje učestvuju u organizaciji nagradne igre prema njima. Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

Odgovornost Organizatora nagradne igre ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.

Dobitnici nemaju pravo tražiti isplatu novčane protuvrijednosti osvojene nagrade, niti zamjenu za druge nagrade ili usluge. Učesnik prihvata da gore navedeni subjekti nisu, niti će na bilo koji način biti odgovorni za ikakve obaveze, garanciju ili jamstvo koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

Učesnici i dobitnici prihvataju uslov da njihovo ime i prezime budu objavljeni na internet stranici www.staropramennagradjuje.ba. Podaci učesnika prikupljeni tokom ove nagradne igre, su prikupljeni samo u svrhe nagradne igre i u druge svrhe se neće koristiti, a u skladu sa Zakonom o zaštiti ličnih podataka u BiH.

13. Porez i odgovornosti

Porez na dohodak obračunat će se u skladu sa Zakonom o porezu na dohodak FBiH. U slučaju da vrijednost nagrade podliježe obavezi plaćanja poreza, Organizator preuzima obavezu plaćanja poreza na dohodak.

Ukoliko nagrada podliježe Članu 23. Zakona o porezu na dohodak FBiH, odnosno ukoliko je njena vrijednost veća od 100,00 KM, dobitnik je dužan dati na uvid svoj JMBG radi regulisanja ove obaveze.

Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

14. Korišćenje ličnih podataka i promotivne aktivnosti

1) Svrha i pravni osnov obrade

Lični podaci učesnika obrađuju se u svrhu organizacije i realizacije nagradne igre, u skladu sa ovim Pravilima.

Pravni osnov obrade ličnih podataka je:

- izvršenje ugovora (učesće u nagradnoj igri u skladu sa Pravilima),
- ispunjenje zakonskih obaveza Organizatora (npr. obračun i prijava poreza),
- saglasnost – isključivo za promotivne aktivnosti iz stava 5 ovog člana.

2) Kategorije podataka koji se prikupljaju.

- od svih učesnika:
 - ime i prezime
 - grad
- od dobitnika nagrada:
 - adresa
 - JMBG

3) Svrha obrade podataka.

Lični podaci se obrađuju isključivo u sljedeće svrhe:

- organizacija i sprovođenje nagradne igre,
- identifikacija dobitnika,
- dostava nagrada,
- ispunjenje zakonskih obaveza.

4) Primaoci podataka.

Lični podaci dobitnika mogu se dostaviti:

- dostavnoj službi – radi isporuke nagrade,
- nadležnim organima (npr. poreska uprava) – radi ispunjenja zakonskih obaveza.

5) Promotivne aktivnosti.

Organizator može, uz prethodnu pismenu saglasnost dobitnika nagradne igre, objaviti i upotrijebiti njihove lične podatke navedene u korisničkom profilu, bez naknade, u štampanom, zvučnom, slikovnom

obliku te videozapisu, u promotivne svrhe povezane s nagradnom igrom i proizvodima koji su uključeni u nagradnu igru.

6) Rok čuvanja podataka

Podaci se čuvaju onoliko dugo koliko je potrebno za realizaciju nagradne igre i ispunjenje zakonskih obaveza.

7) Prava učesnika

Učesnici ostvaruju prava u skladu sa propisima o zaštiti ličnih podataka, uključujući pravo na pristup, ispravku i brisanje podataka.

8) Tačnost podataka

Učesnik je odgovoran za tačnost dostavljenih podataka.

15. Uslovi pod kojima se nagradna igra može izmijeniti, prekinuti ili otkazati

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

16. Pravila nagradne igre

Informacije o nagradnoj igri potrošači mogu pronaći na:

- a) Pravila nagradne igre biće objavljena u dnevnim novinama prije početka nagradne igre koje izlaze na području Federacije BiH,
- b) Internetskoj stranici www.staropramennagradjuje.ba,
- c) promotivnim materijalima nagradne igre izloženim na prodajnim mjestima
- d) Kontaktiranjem Viber korisničke podrške na broj telefona 066 020 020 ili
- e) slanjem upita na mail korisnicka.podrska@smsvision.ba

17. Ostalo

Sve žalbe, prigovore i reklamacije rješava organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika. Svi eventualni sporovi sa učesnicima u nagradnoj igri će se rješavati sporazumno, a u slučaju da se nastali spor ne može riješiti na ovaj način utvrđuje se nadležnost suda u Banjoj Luci.

U trenutku potpisa zapisnika o preuzimanju nagrade ili pak istekom roka za preuzimanje nagrada, ili roka nagradne igre, prestaju sve obaveze i odgovornosti Molson Coors BH d.o.o., prema dobitniku.

Pravila nagradne igre stupaju na snagu na osnovu Rješenja Federalnog ministarstva finansija, broj UP-05-12-1-863/26 od 01.07.2026. godine i objavom istih u ovim dnevnim novinama.